

梁

園

風

雅

梁園風雅卷二十六

謝四溟

五言絕句

江南曲 二首

夾岸多垂楊
妾家臨野塘
手拈青杏子
不忍打鴛鴦

夾岸多楊柳
妾家近塘口
中有斷腸花
郎君不迴首

四景圖

赤日臨山沼
荷花氣獨清
一亭蒲葦合
鸛鶴向人

鳴

古意

山上採蘭花山下採蒲葉
露濕青羅裙良人不知
妾

懷鄒子序

渺渺太湖水湖中多鯉魚
故人時把釣應有北來
書

鴈二首

朝辭委羽山夕渡湘江水
欲落更迴翔虞羅在深
葦

結陳時南向楚雲千萬重相呼恐相失日墮九疑峰

麗情詞 二首

郎住長干南妾住長干北醉騎白馬來簾下初相識

江上採紅芳歸來與郎遇一笑見心期西園刺桐樹

山興

山雲漫石稜澗雨歸泉脈何處最多奇林中問樵客

都下別張志虞

十年今一見話舊却成悲
共醉新豐酒天涯又別離

秋閨 二首

慙澹風煙暮滄江老杜蘅
所憂在遠道君重妾身輕

斜陽照短簷獨鵲鳴疎柳
昨夜夢夫君船回九江口

寓目

蒼松怪若虬秋草高於鶴
倚杖獨無言庭寒曉霜

落

宮詞 二首

珠箔曉光寒楊花漫春雪牀頭紫綺囊中有同心
結

月
紈扇已涼秋紅顏欲消歇夜深下玉階獨拜梧桐

從軍行

妾如解角弓郎如白羽箭一去塞雲深功成願相
見

行路難

荀卿將入楚范叔未歸秦花鳥非鄉國悠悠行路
人

相逢行

馬上誰家子相逢灞水頭片言合義氣笑贈千金
裘

折楊柳詞

折柳贈郎行相憐暫相把珍重一枝春離亭聊上
馬

玉階怨

夜色冷深宮麗人眠復起風生綠桂枝月落銀塘

水

長相思

鬱鬱相思樹上有相思鳥
相思人不來風雨愁多
少

自君之出矣

自君之出矣幾度搗秋砧
蓼蟲不言苦明月獨知
心

塞下曲

二首

暝色滿西山將軍獵騎還
隔河見烽火驕虜夜臨

關

風起單于臺胡笳秋正哀彎弓度沙磧不爲射鵬
來

遊天壇山

逸灑石壇西扶筇任幽討秋高天宇清月照金光
州

雜詩 三首

君寄夜光珠深閨照顏色開門重所思漠漠山雲
黑

君寄玉連環情深無斷絕開門重所思孤鴻叫寒
月

君寄辟寒金春生繡窗裏開門重所思冰結池塘
水

大梁懷古

策馬夷門道高城帶暮雲至今豪俠士猶說信陵
君

初春夜同漫山方伯瓊泉將軍酌榼菴處
士書齋

客子燈前酒梅花雪後天不須橫玉笛春意滿山

川

題席澣北書亭

白白野雲暮青青階草春小亭閒日月誰問著書

人

春柳

嫩色含輕雨柔絲弄早春昏鴉棲欲定腸斷未歸

人

春暮

極浦晴雲澹空林夕照低菜花飛蛺蝶春在石橋

西

采菊

籬下黃金花幽人時復采滿天霜露寒莫待秋容

改

憶金甘渠

不見長沙客相思江水流碧湘門外路春草共誰遊

北園夏日

柴扉閒永日穉子汲寒泉院靜鳥雙下松涼人獨眠

送武穉川遊泰山

天門爾勝遊懷古意何極上有秦皇碑蒼苔萬年色

白龍潭

浩歌秋水邊驚破白龍夢
明月落深潭疑是龍珠動

憶鄒山人倫

湖上多春草湖中多鯉魚
佳人日相憶應寄長干書

塞下曲

二首

烽火夕連山冰霜秋滿地
不見請纓人惟逢射鵰騎

塞上黃鬚兒飲馬黑山澗
彎弧向朔雲莫射南飛

鴈

落葉歎

客愁時伏枕落葉轉紛紛猶憶鄉園夜秋聲自不聞

潞陽曉訪馮員外汝言

野闊早霜明林空涼吹動一犬吠人來松窗破秋夢

聞許解元克之喪妾因寄長恨曲

三首

花落委春泥山鷺空自啼蛾眉不復見新月生湖

西

湖中荷有花苦心風露裏無人歌采蓮落日秋風起

秋風亂人愁秋雨墮人淚九泉如可通爲寄相思字

詠蟬

弱翅凌晨動繁聲向夕流不知風露裏還得幾何秋

雪後同王希元登代州城樓時虜犯岢嵐
登城眺夕陽慘澹羣山色何許最關心愁雲在西
北

春雪登樓有感

天垂樓外雲雪變城中樹何處不春寒鴉啼又飛去

詠蝶

花盡忽飛來豈待南風送睡起笑相看不知誰是夢

東園秋懷

天寒聞落木葉葉是鄉愁敲窗作風雨不減去年秋

東園春感

春草青猶短牽愁爾許長天涯白首客獨立幾斜陽

登樓

朝亦登此樓暮亦登此樓白雲千里色不是故山秋

聞鴈

少年聞鴈聲老年聞鴈聲鄉心無老少何處最關情

秋閨

四首

目極江天遠秋霜下白蘋可憐南去鴈不爲倚樓

人

堅哉此庭石郎去限南北傷心秋雨多又老莓苔
色

月缺偏多感月圓翻自悲君看幾圓缺不異在家
時

無風落葉遲有風葉落疾秋聲時有無寧同郎在
日

七言絕句

登輝縣城見衛水思歸

城外河流白練長城中萬戶共秋光秋來偏作還

家夢河水東流到故鄉

古意

二首

百轉轆轤金井深美人汲水梧桐陰流雲在天日
將暮獨有寒泉知素心

郎種菊花何遠離秋來花發倍相思玉京郎醉菊
花酒不見故園霜露枝

公子行

京洛王孫日有期千金買馬恨行遲隔花忽見遊
春女笑舉絲鞭問阿誰

老將行

虬髯丈夫乘鐵驄自言征戰老雲中
憑陵仗劍出門去原上枯桑鳴朔風

題蘇子長荷花

僊姿濃澹骨同清憶在西湖更有情
落月輕煙似相妬不教秋色兩分明

塞上曲

二首

飛將龍沙逐虜還夜驅駝馬入燕關
城頭殘月誰橫笛吹落梅花雪滿山

暮雲黯澹壓邊樓雪滿黃河凍不流
野燒連山胡馬絕何人月下唱涼州

胡笳曲

二首

碧眼胡王貂鼠衣天寒走馬獵金微彎弧仰射雙
鵬下日晚穹廬帶雪歸

蕭蕭寒色起邊雲秋州平沙部落分牧馬陰山莫
南向漢家今有李將軍

郭壽卿園亭同申伯憲牛國禎醉賦

郭家亭榭倚松篁把酒臨池幽興長人在千山秋
色裏晚來雲氣滿衣裳

九月雪

鴈拂同雲過戍樓菊花含凍不成秋迷茫夜擁金

微路未寄寒衣人正愁

冬夜聞笛

雪後寒雲散御隄
笛聲何處重淒淒
北風吹折邊城柳
人倚層樓月正西

送周秀才歸錢塘

燕京陌上送周郎
歸到西湖春草長
清夜開樽多舊侶
滿前歌管月如霜

寄吳峻伯

天目霜飛萬壑空
興來孤唱倚丹楓
不知人對關山月
夢落西湖秋色中

春日寄王學甫時守汝南

春來不寄豫州書，人隔黃河千里餘。
杖履還尋舊官舍，古槐深院是誰居。

寄武當山張隱君

二首

辭官身寄楚天涯，石屋燒丹別是家。
七十二峰春雪裏，杖藜隨意看梅花。
雲巖深處獨逍遙，海鶴傳書昨見招。
月下定逢王子晉，玉笙吹下摘星橋。

吳母太夫人哀詞

城上烏啼正夜分，歸魂遙逐楚江雲。
故園春筍空

成竹冷雨淒風不忍聞

中秋宴集西泉亭同顧聖少李承華醉賦
我來清夜挹金波伯仲當樽半醉歌無限梁園桂
花樹天香暗入舞衣多

道院秋夕

秋河一帶月光團露坐空除夜欲闌却訝西樓降
仙子玉笙吹徹萬家寒

鄒子序見過談及喪事有感

羸馬西來數問津霜天回首益思親洞庭多少黃
柑樹不見茅堂釀酒人

別調曲代贈所知

三首

家住鄴城門向西青樓上與鄴城齊
郎行好記門前柳春夢南來路不迷

離筵易醉夜將分趙舞燈前猶向君
從此胷肢瘦無力牀頭閒殺藕絲羶

木落天寒郎欲行樽前離怨一鳴箏
燕姬織手調新曲不是西樓今夜聲

怨歌行

長夜生寒翠幕低琵琶別調爲誰悽
君心無定如明月纔照樓東復轉西

遠別曲

阿郎幾載客三秦
好憶儂家漢水濱
門外兩株烏桕樹
丁寧說向寄書人

搥衣曲

秦關昨寄一書歸
百戰郎從劉武威
見說平安收涕淚
梧桐樹下搥征衣

秋宮詞

內苑秋風木葉殘
班姬曾爲賦齊紈
六宮何處無愁思
不斷陰蟲泣夜寒

桂花

金粟輝輝秋滿枝
內園清露獨開時
天香莫遣西風妬
吹落深宮君不知

水仙花

月爲精魄水爲神
素質先迎雪裏春
羅韞凌波斷行迹
誰能喚起弄珠人

訪葛徵君

西城閒訪葛洪家
籬落秋餘白豆花
高枕自知無俗夢
數椽茅屋在煙霞

春宮

二十

花間御水照春心
幾處恩波自淺深
多少蛾眉爭

買賦相如應是厭黃金

金屋春寒繡幕垂
晚風零落幾花枝
君恩不遂紅顏改
獨有深宮明月知

春閨

郎去燕南又向齊
別時猶記玉驄嘶
孤燈門掩忽風雨
楊柳橋邊春夢迷

春詞

少娥妝罷下青樓
緩步春風不解愁
笑撲飛來雙蛺蝶
花間忽墮玉搔頭

晚登沁州城有感

客子登臨望野田，銅鞮城上月初懸。
清光偏照農家婦，織得春衣辦稅錢。

送徐進士子繩謫建陽少尹

二首

長亭別酒見平生，越水吳山去國情。
欲采江蘺何處泊，一帆秋雨聽潮聲。

九石潭空龍獨眠，三春雷雨建陽天。
荔枝花發啼黃鳥，閩海迢迢望日邊。

送劉將軍赴南都

江風吹擢送人寒，一劍橫秋祇自看。
應過淮陰弔韓信，月明曾照漢家壇。

送陳別駕錫卿錢塘省親

二首

東吳日出櫂歌聲
帆外風煙遊子情
八月太湖秋正好
不知已過闔閭城

片帆飛去拂雲霞
月滿中秋應到家人在
長安望南國隔江春
信寄梅花

送王夢白歸吳

朝度海門生白波
天涯知己惜無多
清秋忽憶山中侶
誰伴橫塘采芰荷

送皇甫水部之荊州

郢都南去渺煙濤
遙憶風流何水曹
日暮亂山秋

色裏采蘭應傍楚江皋

章行人景南自潞州復之大梁

黃河南去訪鄒枚駐節花邊兔苑開鴻鴈至今悲
帝子風光猶是舊池臺

塞下曲

五首

都護防邊旦夕勞秋來天子賜征袍何當淨掃黃
龍塞白日飛霜上寶刀

明星低照白登臺向曉孤城鐵鎖開飛將窮荒搜
黠虜夜驅駝馬入關來

秋高沙漠斷鴻哀大將旗翻風色來落日半天追

虜騎彎弓直過李陵臺

風吹榆柳作寒聲直北龍沙一望平雲壓旌旗飛
暮雪將軍坐嘯受降城

朔雲黯澹古今愁十月交河凍不流胡馬無聲關
塞靜征夫月下唱梁州

塞上古懷

荒外烏鳶結陣琵琶聲斷自斜暉北風夜夜吹
青冢恨殺蛾眉竟不歸

漠北詞二首

石頭敲火炙黃羊胡女低歌勸酪漿醉殺羣胡不

知夜鷄兒嶺下月如霜
曉開羶帳擁秋雲虜將揮鞭部落分
牧馬陰山莫南向
鴈門今有李將軍

斑馬歌贈別

斑馬翩翩遊帝畿
五侯金埒日相依
明年惆悵石橋路
首蒼花開歸不歸

大梁襟輿

梁國河山草樹空
英雄異代氣相同
侯生慷慨無餘恨
獨立夸門嘯晚風

春詞

城烏何意夜深啼紅杏梢頭片月低香冷熏籠人
不寐春風吹過玉欄西

春閨

羅衣初試薄寒生豆蔻花開感別情零落鉛華君
不見畫樓春雨燕雙鳴

名都篇

楊柳青青夾玉河古來燕趙麗人多
黎園昨日新聲出都下爭傳御製歌

古怨

邯鄲少婦美容光嫁與燕京遊俠郎
白壁黃金買

歌舞不知風雨斷人腸

宿香山

深夜無眠風露清
天移北斗坐間橫
幽人不作紅塵夢
月照空山鶴一聲

道院秋夕

河漢橫斜天宇清
夜涼松鶴睡無聲
月光低照碧潭水
人倚洞門吹玉笙

度齊嶺

石樹蒼蒼碧漢齊
日高荒野亂鴉啼
樵夫遙指天壇路
絕嶺重雲西更西

本公房

滿山寒色萬株松
天外遙傳日暮鐘
但見簷前起
雲霧不知鉢底臥蛟龍

塞上曲寄少司馬蘇允吉

三首

邊柳蕭條帶落暉
長城北去是金微
健兒躍馬西
山下射得雙狼雪裏歸

孤月高高照朔荒
戍樓吹笛滿天霜
三秋楊柳飄
零盡此夜征夫總斷腸

牧馬深山白草中
不聞鼙鼓動西風
老兵閒坐斜
陽裏盡說今秋魏絳功

送張少尹元文還任新喻兼寄李明府
羣玉峰頭華月低
九僊臺上白鸞棲
乘秋欲借王喬履
一夜高飛吳楚西

送張憲副叔載鎮巴東

驅馬西行劔閣開
卽今重見勒銘才
吟秋月照三巴水
弔古風生八陣臺

梁園春曲

樓外青帘一丈高
樓中少女勸春醪
黃金不買花時醉
徒向秋風歎二毛

秋閨

棠梨落葉滿園秋
門掩蛩聲入夜愁
未寄征衣霜露冷
夢魂先到古雲州

送王伯鍊之大梁

八月黃河風浪高
君將寶劍事遊遨
信陵門下三千客
爲問何人意氣豪

郭壽卿園同申伯憲牛國禎諸君酌

蒼涼海日上亭臺
無數幽花帶露開
人在萬山秋色裏
白雲低傍酒樽來

宿山家

空山茅屋夜遲遲
促織啼寒欲訴誰
少婦燈前事

機杼秋風花盡木綿枝

暮雨登圓通閣望鄴城有感

雲壓山城雨不休
閣中遙起故園愁
漳河東去蒼茫色
猶似三臺醉裏秋

寄曹中丞

一自西河別孔融
楚天詩興復誰同
青荷漸長黃梅熟
人在江樓細雨中

春怨

紫綃揮斷淚闌干
窗下秦箏獨自彈
三月梨花風又雨
小樓燕子怯春寒

春宮詞

昨夜春風入五城宮花未發已關情
玉窗睡起嬌無力獨倚朱闌聽早鶯

秋宮詞

院院黃花秋色濃幾看青鏡惜芳容
瓊窗忽夢金輿過長樂霜寒五夜鐘

采蓮曲

二首

家近城西綠水塘荷花開落幾悲傷
采蓮遙寄阿郎去妾抱苦心終爲郎

秋水萍開畫艇移采蓮薄暮意何遲
阿郎不道儂

心苦苦在蓮心郎却知

獨步明月山因覩荒涼遂沮遊興

荒山白草路盤盤却憶仙家倚石闌落日疎煙秋色好玉清閣上幾回看

遊金燈寺

二首

長林巨壑斷人踪駐馬移時撫碧松日夕禪關不知處一聲犬吠隔雲峰

策杖穿林知幾重禪家清磬隔雲峰再來洞壑難尋處好記懸崖一古松

梁園風雅卷二十六

梁園風雅目錄

趙微生

五言古詩

七首

七言古詩

八首

五言律詩

四十三首

七言律詩

二十四首

五言排律

二首

六言絕句

六首

趙微生詩選序

微生旣鐫其鄉人詩已復出一編示余余受讀一再過輒附卷歎曰世言古今人不相及豈不謬哉無暇遠涉卽獻吉以復古之學鵲起大梁仲默繼響狎主齊盟海內喁然風變斯其人豈但足千古乎迨子業君采輩左提右攜旗鼓中原體固不沿才有獨至乃談者輒謂能爲獻吉也者乃能不爲獻吉者也彼豈能盡塗天下之目哉夫其言亦具在也微生後諸先生生雍丘近居而逢世不謂無情收霞彩於筆端瀉風泉於胃臆所從來矣試拈

其五言古有不爲河梁之遺響乎七言古有不爲
寶曆之流風乎五七言律詞以興成格由骨振寧
律不諧不使句弱有味乎鍾記室之微旨也六言
絕亦華亦實非古非今比物覽境如在目前噫嘻
諸體備矣未審視諸君子何如也余謂微生蓋以
是殿諸君子後微生謝不敏謂其鄉儘不乏詞人
韻士方重以蒐羅未富爲懼而何急於自暴其醜
又不獨取續貂之誚耳余以詒微生是不妨於徐
圖者隨私付之削人以去萬曆丙辰秋仲友弟汪
元范明生書

梁園風雅卷二十七

東郡汪

選

趙微生

五言古詩

平水別賈貞復明府

三首

冥冥懷遠翰
駢駢戒脩途
晨風野萋迷
攜手汾之隅
行亦一躊躇
坐亦一躊躇
俯視濁河流
滄桑互相渝
念我同心人
高翔不可俱
浮雲難獨留
千載為斯須

相慕亦何殷
相別亦何早
烈風振林木
驚禽難自

保不嗟烈風摧所嗟驚飛鳥荷寧爲柱強蘭是當
門好坎壈別有權豈必薄小草

明發悵寒帷回首長惻惻何以將離悰努力崇明
德落日遲歸鴻長天嘯秋色念我與子交結髮遊
京國聚散會有時雲泥疇能測聚或煦之沫散或
剪之翼安知非魚服奄忽薄斗極願言保令名知
白而守黑

東烏嶺

雨餘山翠鮮策馬度幽壑雲霞自鬱盤谷樹紛相
錯絕巘俯中條別嶂入雷霍一水跨石梁林巒復

迴薄煙岫晝氤氳寒巖晚濩落遐睎杳靄間閒情
恣寥廓將無帝座通搔首驚人作此行一何爲吾
欲盟五嶽

夏日

長夏百事慵作吏殊煩楚束帶汗凌晨削牘枵亭
午手板染紅塵行行爲負弩騎犇歆進賢觀者競
如堵兒童向我嗤不擬是明府

寄又園亭子晚坐

山亭足晚涼偶憩爲疎豁幽花亦自馨遜羽亦自
啄新月掛脩篁好風透叢薄對此羣籟息遐心託

海嶽不知俗吏身雲水亦熏縛

紫金山

南山十里餘登涉恣幽賞崖萼紆蹄輪盤谷分石
壤林深鳥不啼雨歇芝初長嶺遙雲葉昏川迥月
華朗極目松桂陰屬耳鳳鸞響俯臨絳翼間蟻穴
何澆垓崇崗足嘯歌豐州遂偃仰香梵界人天巖
陰闕蘿幌偶與老衲期忽動真人想豈必追向平
聊以謝塵鞅

七言古詩

太子灘

荒藤古冢疊危石寒玦一繫傷心碧忍將底事笑
諸侯贏得肝腸明皎日如花夜半溫啼痕何用歌
烏主孟門本因羽翼怯鴻鵠不謂商山竟負恩藐
孤不濟克也死辟奠何心今若此秋風落日晉城
隅反覆令人悲豎子

寄晦伯

男兒生不能弋光倒景飛上天又不能摧眉折腰
馬蹄前空懷明月酬知己任是蛾眉不肯憐秋風
掩扇婕妤走世態白衣與蒼狗飄瓦虛舟何足論
妖狐九尾君知否嗟余初領桐鄉吏抱案踣行歎

不偶何如學劔軹里公芙蓉光怪蛟龍吼不然卽
著犢鼻褌也走如椽佐春酒婁山茂宰向余笑爾
行不應脫陽九苦海浮沈未有涯鴟嚇鼠臭吾何
有吁嗟乎鴟嚇鼠臭吾何有君不見紅塵赤日誰
揮手

有所思

有所思乃在谷林曲絳雪蒼苔道路賒跌宕春風
芳艸綠芳艸如煙璧如月在把楊枝綰離別細雨
高樓杳靄中關山一點清秋魄暮雲何處逢青鳥
槭書欲寄重削草如今世態妬交深數語寒暄君

自曉

雨雹歎

紅塵撲滿三尺地又道封姨將風至白草荒原二
麥枯農家兒女長含淚抱甕也學漢陰老灌得畦
蔬與媵稻揀將珠汗殉珠粟卒歲何能競一飽不
謂天公眼界窄嗔耶妬耶忽赫赫急遣靈霍按部
行雨雹縱橫錯綠陌紛披亂擊如星隕小者如碁
大如菌蕭瑟長林五月冰孤實不德天何忍父老
環泣前致辭比年灾沴胡不思賣兒完得公家事
今歲析骸安賣之傳聞五路又徵兵飛輓何人檄

不勝鄭俠披圖祇自歎馮生攘臂倩誰應舉頭是
天大如此何況君門遠萬里悲風颯颯雲茫茫語
到催科媿欲死

平羗行贈黃美中明府

姑射城頭遇張子向余爲道平羗事云昨青山畫
角哀羯奴怒臂螳螂起紫塞誰將戊己軍綠林強
半從庚癸是時烽火照山西斬木揭竿盡鼓鼙健
兒空拳搏豺虎中丞片羽戮鯨鯢合圍也趨孤山
戰弟子與尸君不見父老消魂草木兵牽兒負爺
競悲竄不分遊騎薄龍門却遇天雄黃使君臂挽

雕弧初月影腰懸寶劍七星文自言壯志封居胥
入關曾棄終生縵隱几閒揮太乙藜據鞍笑撚金
僕姑等閒橫戈一躍馬風雷晝駟河津野須臾掃
蕩淨妖氛征袖淋漓血盈把揚旌直搥天山處且
復吮豪艸露布還將飲至賦鏡歌免使宵衣廛西
顧昨日中丞抗疏薦籍甚銅符與纓弁天子遐思
猿臂勛書生妄意魚腸眷只今遼左陣雲深戎馬
縱橫淚滿襟橋邊黃石者誰氏莫遣高齋抱膝吟

贈方生兼寄伯芝

狂夫臥對南山紫忽憶美人破雙鯉云有高士汝

上來近之崩通遠唐舉疋馬不教隱市簾報汝升
華爲汝喜我行大笑還復歎自顧頭顱只如此丈
夫落落七尺強骯髒千秋誰能擬有骨不習豪貴
憐有軀不供兒曹齒不然掉臂躡林莽也應圖繪
丘壑裏如言骨相別有權君不見猿臂生虎頭子
一竟封侯一客死

黃美中饋河酒

鱸頭忽訝如澠酒誰其贈我龍門叟鬱金香散錦
波春稚子烹葵婦雪藕是時數盞漸頽然乍檢新
詩錯瓊玖上言飛竿海吞鯨浪許揮毫神運肘中

聖逃禪自古今白雪何人能唱喁念我平生銀不
不律陸海茫茫探二酉幾翻如意碎琅玕也合雙
鍰挂牛斗意氣凌競傾蓋多不妨肝膽爲君剖干
秋吾道屬艱難星暉月白良不偶君不見大兒孔
文舉小兒楊德祖齷齪邯鄲安足耦笑任雌黃世
人口

拂衣行

暝破浮雲白破絮鴻飛不羨鷓鴣翅仰天大笑歸
去來小草入山仍遠志左輔李生亦大豪自捫頭
顛還自諍曾聞揖客大將軍汲黯何人我何輩楊

生賈生爾何意盱衡擊節促征騎不須遠追彭澤
踪但取同把趙郎臂緘題爲達中丞府檄却朝駢
與市虎無恙北山舊草堂爾自能歌我自舞昨日
中丞致書問女曹何得輕如許不然即飛白簡霜
縱不褫幣亦解組葛卿聞風投袂起抽簪欲命東
山履上書不報奈若何一封報帝吾已矣邢侯亦
作閉關人爲言五閱晉城春量移可邀猶吟越別
徒無緣竟避秦相逢莫道風波惡六子同舟良不
薄五柳先生少佳朋三閭大夫空寂寞笑他達哉
白樂天七十致政心茫然捋鬢何物撩人色野鶴

閒雲別有權不分世態合如沸一鞭斜指春山曙
君不見去歲今時祖道旁河東太守拂衣去

五言律詩

秋日同許子長晚坐

寒山一片石非爾更誰談遠水微窺碧長空澹寫
嵐名疑司馬重家在鑑湖南向夕論尊酒高天萬
木酣

移石

鬱林寧載石爲有片帆通遠汎桃花舸清依桂樹
叢到來袍笏具別去水雲空此意愚公得吾生訝

偶同

來紫軒

駢葉芝疑蓋
延枝荔若藩
堦馴巢樹鶴
林擾報時
猿四照披香
靄重陰挹露
繁怪來饒紫
氣新受五千
言

侯馬遇周則和坐譚有述

二首

江雲望不極
樹色隱高春
忽枉題鴻羽
何來滯蟻
封萍分幾化
蝶劒合定爲
龍只恐風塵
裏清狂不
似儂

誰遣飛揚色
文章異代權
名寧徇監貴
官合馬曹

賢世態波相逐吾徒影共憐陸沈自古得無問祖
生鞭

偶出

無事桐鄉令驅車問水潴閒庭放吏早孤嶼受春
遲蘚色朝含雨松聲晚逗颺微官值何許省可諱
言詩

宿沸泉

疑向白雲中人家雞犬同簾開芳岫列砌引碧流
通石潤非關雨泉鳴不假風停驂今何夕吾志在
冥鴻

同朱伯芝遊晉祠

一徑穿雲入滌洄，戰水聲屐將松露。
下身與島煙平，洞古塵蛛網潭秋。
冷杜蘅呼童須貰酒，吾道本班荆。

同朱伯芝遊沸水

何處問源泉，寒淙斷復連。
虹梁晴故雨，雲碓晚能煙。
澗折通莎徑，峰回瞰水廬。
蒼崖與白石，無地不堪眠。

絳州晚渡

柳躡復花明，春郊雉不驚。
危樓斜隱樹，遠浦曲吞

城漁火殘磯色江帆咽雨聲誰憐于役者驕馬爲
宵征

永壽寺同伯芝茂叔晚坐

暫解樊中累言停塵外駮攜君文字飲選勝入精
藍礪壑行人度藤蘿片月含桃花馬首色莫遺負
雙柑

蒙城遇胡再培明府

是夕能星聚何方忍負春鶯花閒夜寂雞黍晚厨
貧塵尾銷蘭燼盧聲墮桂輪弟兄湖海色遮莫酒
杯頻

秋夜遲夢符

二首

復登月痕微長林靜掩扉
屐綰紫蒼蘚滑衣染芟荷
歸客有據梧似圍疑看竹
非兩年棲泊意鷗鳥解
忘機

星含雙岫落秋井一鴻遲
云有剡溪約能忘渭樹
思蛩喧當砌艸花暝隔墻
枝作意風前竹開門翻
自疑

山行遇雨

秋色媚巖阿高雲與密莎
波暉翻雨石礮響入風
柯嶂曙嵐猶潤崖傾路轉
蹉自憐牛馬走巉峭幾

經過

雨中望南山

積雨浸長薄登樓興不慳霧窗春欲暝風激晚仍
潺城郭寒煙裏峰巒落照間南山亦不遠何事罷
躋攀

臥病

臥病驚搖落吟悰豁不妨空窗閒散帙幽壁靜焚
香宦况經秋薄鄉心入夢長無聊銷夜永檢點舊
醫方

寄懷丁茂叔

迢遞留京路寥寥鴈羽遲積薪從古恨投杼到今
疑吏績行人口才名幼婦辭功成敢論賞記取舊
鳩夷

靈石道中

風雨石陵道秋聲入暝繁斷橋寒駐馬孤嶼夜啼
猿病借青山起愁將白雪翻千秋有遺事交態敢
重論

辛亥除夕

短燭燒殘臘盤花試旅筵猶同梁苑客相對晉宮
天病或春回減愁於歲宴綿西來成底事曉日已

三年

永壽寺飲黃美中

而我家相錯盈盈一水遙書藏同脈望枝隱各鶴
鶴問字誰能識呼盧此見招不須論臭味鄙吝欲
全消

姑山水榭

姑山風雨夕春色澹巖阿水語喧亭榭雲心洽薜
蘿高酣延若舞少選會吾歌不必投車轄三年此
一過

秩滿三年移牘有歎

偃蹇還何似中原一病夫放衙開委宛拄頰對屠
蘇感世真儲藥吾曹亦濫竽不堪移牘日腸斷夜
臺烏

海頭野刹

地自招提遠人疑海嶽遊崖傾時怯馬溪淺不藏
舟汎渚鳧鷺滿沿厖禾黍秋凭高一以眺澤國本
滄洲

羌警

白羽中原色躊躇首重搔螳車嗟爾怒懸弩向誰
操公子新羈馬使君舊佩刀封章報也未無乃聖

躬勞

禽昌東閣同楊夢符毛懋新晚眺

不淺登樓興江帆對夕曛繁陰彌大陸暝色赴遙
汾勝有青嵐筴人競白練裙向來廣陵散壺酒與
溪雲

郡城同賈浮弋明府夜話

解組如何得風塵去住難蹊牛無乃過塞馬未須
歎拂鑑惜顏貌篝燈語肺肝海天春浩蕩遮莫宦
情關

靈石旅寓紀懷

不必羊腸盡論交山故賢癡寧牛背穩窮合馬曹
顛花靄低窺枕松聲細入絃浮名彈指失回首蘇
門煙

晚坐

徙倚烏皮几青天看鳥飛簪裾從長物蓬累自初
衣獨酌扶吟眺高眠擁翠微野心終不改采采北
山薇

雨行

高雲不可卽風雨戰泥塗多難詩篇減微涼病骨
蘇貧仍雞鶩食愚但馬牛呼往事庸堪問浮雲白

日徂

原平道中

登陟原平道高原片月孤雨堦翻薜荔風激落菰
蒲倦鳥暮俱斂征騎晚自趨朋情急難裏尊酒對
鳥烏

堯城阻水

不道風波惡雲帆鎮日稽瀑飛千嶂暝濤擁萬峰
低憶昔檀槐戰驚看桑海迷去留俱不可無語向
桃蹊

再遊晉祠

曲浦分幽菑長豐事事宜破雲將短屐貯月得空
陂轄憶曾投處碑憐舊剝時凭欄收雨色逝者竟
如斯

題王伯寵別業

二首

山借孤城背泉移二水濱到門蒼楚合折徑碧苔
分軒檻霏空翠衣裳帶暝雲何言只自悅去住總
鷗羣

灌莽浮蔥蒨崇樓倚蔚藍蘚銜高下屐藤冒去來
簾卷幔平臨月分窗遠納嵐不須依槁木詩理入

禪叅

隱園

四首

薙園重結宇銷暑復爲檐所愛身名寂非關吏隱
兼襟花深掩逕馴鳥靜窺簾不必崇丘壑從教歲
月淹

曲沼滌森木虛堂帶遠星座窮非馬辯聞譜種魚
經流水何勞駛歸雲不用停怪來幽意足終日戶
常扃

敢謂官曹冷長豐願不違據梧銷簿牘散帙對林
霏留客青精飴題詩白練衣相逢稀二仲時亦歎
荆扉

卽令耽走謁終不廢園居桂樹元招隱松花老著
書枕淹黃鳥破塵散綠陰餘翻笑陶元亮歸來迺
結廬

鄭山人移居

二首

遠心投錦水卜築負城陰境入桐關靜溪藏竹嶼
深翻經分貝葉摹帖藝來禽何日披林莽籃輿試
一臨

貧寧春廡下僻合老墻東舸放桃花水人招桂樹
叢有田惟種秫何徑不生蓬莫道移家晚南枝曲
未終

過胡比部北園

一葉滄波外春煙澹遠村隔林雲倚岫躡嶠薜垂
門柳妬杯中色鶯銷陌上魂閒曹殊不惡莫遣負
青樽

春日同方仲玄劉康父過王大叅園子看
藤樹

拚取閒功課春江一抹澄茶勲銷夜卜花事報晨
與平楚雲千畝高軒月半稜板條吾意足不爲弔
溪藤

七言律詩

秋日西園卽事

風攪庭梧一葉摧
天涯秋色強登臺
攜尊清逼花前月
倚杖綠滋雨後苔
勝地鷓鴣應絕侶
狎人鷗鷺莫輕猜
年來萍梗凋雙鬢
幾向春江夢裏回

答叔玉

春盡飛鴻影尚遲
不堪雲樹繫相思
琴樽牢落今何夕
裘馬風流彼一時
塵尾驕從論往事
刀頭怯向語歸期
千秋龍劍行須合
試看雙虹次第垂

送李孺龍先生遊蘇門

一尊無那點征塵
驛路帆開晉水春
何處青山能

卜宅也教芳草解憐人雲垂蔥嶺鸞仍嘯溪裊香
臺鹿自馴總是會心曾不遠倩他白石與蒼筠

春夜同李太生飲賈貞復署中

高館逢春數舉觴使君也自愛清狂尊前說劔矚
瑜冷花下徵歌玉漏長衛玠丰神初入洛枚臯辭
賦舊遊梁况乘姑射延西爽手板朝來支不妨

蘇門卜隱

憶往嗟來祇自嗔誰教踪跡惹紅塵形標土木非
關貴腸斷松楸不爲親底事出仍慚小草逢人積
但說前薪拂衣已被山靈笑白鹿祠前欲卜鄰

景明飲楊夢符賈貞復二明府

遲爾春宵金屈卮湖山疊翠控罽毼草橋縈折雪
殘處蘿石蕭疎月上時客有揚雲堪問字坐來賈
島解敲詩相逢莫遣西園蓋明日風塵總不知

澮水遇葛子恭明府

煙江疊嶂晝陰陰拄頰凭車思不禁都謂陶潛能
磬折誰知羊祜愛登臨挈罍偶飲成河朔傾蓋逢
人是竹林不盡飛揚天地色朱絃醉拂水山吟

春興寄友人

春巖無處不花飛拂曙凝香接翠微客子騎衝紅

兩逕誰家犬吠白雲扉
化鳧闕下無消息
羅雀庭前有是非
惆悵何如歸去好
五湖煙月一漁磯

龍祠遇雨

煙霏漠漠草芊芊
二月江皋春可憐
遠岫迷雲石是筍
平疇近水蘚如錢
一泓濠上來莊叟
片蓂林間拜米顛
遮莫聽鷓閒不厭
雙柑斗酒若爲緣

題仇叔尚睡心菴

太守園居似辟疆
翛然一枕傲羲皇
藏春香瀉辛萸塢
撲翠雲生薜荔牆
何物烏啼開四照
有時魚簡臥三倉
護門不是青青草
長日從君覓睡方

禽昌水榭楊夢符載酒過譚

載酒行吟青雀居不堪遠別意何如石帆片月娟
娟吐風楯羣芳宛宛舒阮籍逢人仍作眼虞卿去
國但裁書他時倘勸春明駕巴水灘頭訪釣魚

郡城北圃同李太生楊夢符賈貞復感賦
避地同依嘉樹林曰歸不歸惜春深摧柯剪蔓此
何日弄蕊攀條對遠岑誰道凌競全傲骨年來消
歇半雄心柳吟花醉從今事徒倚醞酬手自斟

偶成

使君何事競焚魚抵掌十年感慨餘不盡風濤存

愛鼎無端貝錦漫裁書人如潘岳閒能賦天許陶
潛遠結廬閱遍刑條無死竄也應談笑命巾車

婁山臺上同李太生坐談有感

入暝樓臺紫翠沈耽幽儂豈厭招尋浮雲不礙星
河色石竇長懸瀑布音拄笏千秋從按劔披裘五
月任遺金憑誰為訂柴桑約極北天南久滯淫

晉祠懷張平仲

難老陂前何者丘疎筠灌木對夷猶虛懷夢艸池
邊句鬢澆浣花溪上洲瀑落石湍晴亦雨雲深水
閣夏如秋百年吟眺誰能識遮莫張衡有四愁

忻口晚眺懷黃美中

孤城百雉倚崔嵬
沱水遙分匹練洄
斗削谿谿雙劍立
風迴激濫片帆開
行間笳鼓遙窺月
柝裏干旄半臥苔
不道單于曾歎塞
使君殊有佩刀才

偶感

不盡風塵染客裾
盱衡海嶽氣難舒
論交若箇荆卿筑
畏世擬裁中散書
但使山靈容放鶴
寧妨學士愛焚魚
腰章解却春無恙
霞嶠煙波縱所如

秋日同黃美中賈貞復登光天閣

徑轉僧寮白日幽
殊方落照此登樓
雲連姑射窗

中出雨濯汾陰檻外流坐漱寒漪心并遠醉攀霜
葉鬢俱秋可知對爾難乘興沙磧煙迷海岳愁

飲馬元禎文學

牢落風塵合罷官孤亭相對鬢盤桓何來繫馬爲
題竹忽漫啣杯喜握蘭遠樹微窺秋水碧晚山淡
抹夕陽殘虛傳十日平原飲抵掌能如行路難

晉祠卽事兼懷夢符貞復

莽曠荒陂此繫槎逶迤一液汎雲沙憑將短鋏殉
流水莫遣長鏡負歲華浴鷺眠鷗疎檻外汀蘭岸
柳斷垣斜同方不少高陽侶回首南天夕照賒

卜居泉上因感先君子有山水之癖

渚陰石浪靜春蕪一葦橫塘興不孤開徑但饒修
竹好爲溪得似浣花無閣雲遠納層層岫苑柳平
分面面湖幾載選山與擊水那堪腸斷夜臺烏

園居

三徑蓬蒿靜掩門高眠清晝亦君恩不緣牢落隨
閒局那得逍遙號隱園散髮林端風浙瀝疏泉松
下月黃昏平生丘壑存骨相何必重開北海尊
有爲晦伯書郵者久尚未至書此却寄

江干芳草又春深鴈羽如何久滯淫不盡向來擊

筑淚誰憐老去唾壺心狂憑呼馬終難狎污卽服
魚未許沈爲報故人各努力中原旗鼓有朋簪

寄周則和於青州來使

飛鴻況不阻清干羅雀門庭到自難安得旌旄仍
驥附往時文酒對雞壇蒼霞久負官何補絳雪新
栽病有丹道爾淄青今駐節却教回首憶桑乾

五言排律

述懷

物情歸慘澹吾意賦閒居往事博沙外浮名嚼蠟
餘結廬心共遠濟勝具仍儲春卉迷蝴蝶秋帆剖

素魚寒荷開士服隱几道民書薄有秫堪種不妨
瓜自鋤婆娑淹五柳憔悴豈三閭莫作犧牛擬長
年付散樗

邢伯遠招同吳善長遊狄叅戎山館分韻
得來字

羣山何處色紫翠望中催軒楹支虛壑溪橋跨暝
隈扣關連綺薄拂石繡寒苔嶼隱三三徑峽通宛
宛臺帆檣堞外出海岳座間開響失宗生壁香浮
上若杯壺天行復坐鶯樹去仍回共有探幽癖相
憐作賦才津頭明月曉問訊許重來

六言絕句

景明紀遊

折徑春紫蔓綠平林晚映沙明月出高低樹杪風
迴遠近濤聲

曲磴重陰靄靄方塘細瀑徐徐甃石雲披芳杜疏
泉香落芙蕖

紅潤花前微雨翠颺柳外輕風若箇平分春色無
邊遠岫龍從

老檜虬蟠水面飛湍珠湧山腰激石頻移蠟屐尋
溪時命蘭船

瀟碧樓臺印月舒紅島嶼銜雲何處
簫聲縹緲北窗容夢初分

惜別鷗盟煙渚悔從駒影緇塵坐
剖蓮心似我行看竹態依人

梁園風雅卷二十七終

趙雍丘先生名彥復字微生祀縣人萬曆甲辰進士仕至湖廣按察副使公性剛正尚氣節令寶坻有當父高姓撓法公論治之不少徇調曲沃令有愛在民遷知汾州府當熹宗之世魏璫虐酷薰灼四方直指張慎言忤璫矯詔令刺面發配公堅執不從重忤璫不悔時論譴之後擢楚中觀察居官始終矯矯聲望甚著其爲詩慕鄉先生遺範邈源漢魏沉浸於天寶大曆間誠如汪君明生所論蓋自琅邪歷下狎主齊盟宗尚去李何不遠厥後公安竟陵再變而風雅之道益微微生處將變之會

而能嗣踪張謝一振空同大復之芳塵可謂難矣
抑余跡其守正不阿與前人之遭罹閹瑾若合符
契以是繼九先生後夫奚媿哉夫奚媿哉後學宋

榮識